

奩

史

奩史卷十

東吳王初柎于陽墓述

曲阜桂 馥未谷校刊

統系門二

妃

帝王世紀黃帝有元妃次妃此疑妃之始

事物紀原

衛子愛泄姬又尊魏妃以偶泄姬

韓子

煬帝遊雞臺恍惚與陳後主遇請麗華舞玉樹後庭

花後主問帝蕭妃何如此人帝曰春蘭秋菊各一時

之秀也

隋遺錄

百濟國王妻號於陸夏言妃也

北史

潘純有高宗二劉妃

子素集

完顏亮侍寢妃曰花不如慧麗專寵凡打毬縱獵出入無不從

采石瓜州斃亮記

宸濠內寵甚盛有紫妃者居紫竹宮衣紫素妃者居素英宮素粧翠妃者居綠英宮飾綠翠能吟善書尤被寵幸宮四壁皆列巨鑑光瑩晶明每與宴狎鑑中諸形妖媚百出又於陽春書院疊石成山掘地數十里爲大池夏時芰荷芬馥濠與諸妃盡日宴樂宮娥靚粧綉衣浮小畫艇歌採蓮曲浴池滂流時摘花果

進以竹酒翠妃嘗咏梅花云繡針刺破紙糊窗引透
寒梅一線香螻蟻也知春色好倒拖花片上東牆甚
爲濠所賞後事敗翠妃爲一知縣掠去又有趣妃爲
舒國裳所得菊隱紀聞

舜妻比登氏一曰登北氏並二妃爲三禮弓注疏集說

舜妃娥皇無子女英生商均女英蓋隨子均徙於封
所而死葬焉劉賓客嘉話

帝繫篇帝舜娶帝堯之子謂之女媵氏列女傳堯二
女名娥皇女英禮記舜葬蒼梧之野蓋三妃未之從
也或謂女媵與皇英爲三升菴經說

大戴記帝繫篇注以皇英并女區爲三妃按漢地理志云陳倉有舜妻冢嗣則舜有四妻矣山海經云

舜娶癸比氏則舜又有妻矣

稽古錄

登比卽女區女陵卽女英

名疑

二妃禮云三妃傳訛也文選註引禮作二妃

正楊

山海經言羲和常儀皆女子皆舜妻一生日十一生月十二可爲捧腹

二酉綴遺

帝嚳四妃然黃帝有元妃嫫祖次妃嫫姆泊形魚氏方雷氏則是四妃之制自黃帝始矣

事物紀原

黃帝四妃元妃西陵氏名嫫祖嫫一作嫫一作傑古

今人表作案索隱云一作雷祖次妃方雷氏名女節
路史作方纁人表又以方雷爲元妃案祖爲次妃三
妃彤魚氏或作彤魚或作彤雷四妃嫫姆說文作嫫
母皇甫謐作嫫姆名疑

唐制皇后而下有貴妃淑妃德妃賢妃是爲四妃開
元時又置六妃六儀四美人七才人唐后妃序

齊襄公九妃六嬪陳妾數百國語

宋孝建三年初置貴妃位比相國齊永明元年有司
奏貴妃淑妃並加紫綬金章珮于真玉續事始

張麗華兵家女也後主見而悅焉拜爲貴妃陳書

唐內官有貴妃正一品

唐書百官志

楊貴妃資質豐艷智算過人

舊唐書

明皇初納楊貴妃謂後宮曰予得楊家女如得至寶也遂製曲名得寶子

樂府雜錄

研北雜志曰元宗納楊妃之時年五十七

宮中呼楊貴妃爲娘子

太真外傳

武惠妃薨後宮無當帝意者或奏妃姿色冠代乃度爲女道士妃旣入道衣道士服入見號曰太真樂史太真外傳陳鴻長恨歌傳俱謂取妃於壽邸俱謬張俞隴山記謂妃以處子入宮似得其實

曝書亭集

宋劉貴妃天下之絕色也

金小史

金內命婦貴妃正一品

續文獻通考

永樂中權貴妃朝鮮所貢女

明奇事述 靜志居詩話曰如爲高麗光祿卿

權永均之女

鄭貴妃生皇子欲立爲太子要上書誓詞緘玉盒中及立皇長子玉盒封識宛然內所書已蝕盡止存四腔素紙而已

先撥志始

田貴妃明慧沉默寡言笑最得帝寵

陳其年婦人集

貴妃册用竹簡長一尺一寸闊七寸

宋會要 文獻通考曰天下樂

錦裝標

皇貴妃册用鍍金銀

明會典

貴妃印用金方一寸文曰貴妃之印龜紐

宋會要

皇貴妃印用金龜紐文曰皇妃之印

明會要

貴妃有冊無寶宣宗寵孫貴妃製金寶賜焉貴妃有寶自此始

續文獻通考

魏明帝置淑妃齊永明中有司奏淑妃淑爲溫恭之稱妃爲亞后之名進同貴妃

續事始

宋文帝好乘羊車經諸房潘淑妃密令左右以鹹水灑地帝每至戶羊輒舐地不去

南史

馮淑妃名小憐後主惑之願得生死一處

北紅兒詩話

劉智遠入洛遣人殺唐明宗淑妃王氏及其子從益

妃將死呼曰吾家世子何罪何不留吾兒使每歲寒

食將一盃麥飯灑明宗陵乎聞者悲之

女世說

金內命婦淑妃正一品

續文獻通考

隋煬帝有德妃爲三夫人

北史

煬帝置德妃賢妃

續事始

唐百官志內官有賢妃正一品注云因隋制而隋志

北史無其名疑唐置

事物紀原

長安崇聖寺有徐賢妃粧殿太宗曾召妃久不至怒

之賢妃因進詩曰朝來臨鏡臺粧罷暫徘徊千金始

一笑一召詎能來

唐詩紀事

光宗生母王氏初爲慈寧宮宮人帝過慈寧私幸之
有身故事宮中承寵必有賞賚文書房內侍記其年
月及所賜以爲驗時帝諱之故左右無言者一日侍
慈聖宴語及之帝不應慈聖命取內起居注示帝且
好語曰吾老矣猶未有孫果男者宗社福也母以子
貴寧分差等耶遂封恭妃

明史

永樂中有高麗賢妃權氏順妃任氏昭儀李氏婕妤
呂氏美人崔氏俱國王李芳遠所進

王制尊聞

唐開元時置惠妃麗妃華妃

讀書紀數畧

貞祐以後之制貴妃下有真妃淑妃下有麗妃而無

德妃賢妃

前文附通考

李文簡續通鑑長編明道元年以真宗順容李氏爲
宸妃注云宸妃之號前此未見恐是創置按唐武
后紀高宗立武氏爲昭儀進號宸妃則宸妃之號創
於唐高宗

雲谷雜記

鄭氏注周禮云羣妃御見之法月與后妃同象卑者
先尊者後女御八十一人當九夕世婦二十七人當
三夕九嬪九人當一夕三夫人當一夕后當一夕十
五日而徧望後反之康成此言迂而且謫

鼠璞

帝王妃妾之多開元天寶中宮嬪至四萬

容齋五筆

德壽宮妃嬪有信安趙夫人咸寧尚夫人平樂王夫
人咸寧郭夫人新興陳夫人富平孫夫人縉雲蔡夫
人南平張夫人齊安張夫人安定李夫人又有馮美
人韓吳二才人皆寵幸吳氏名玉奴 朝野雜記

永陵妃嬪獨多妃三十人惟榮安閻貴妃端和王貴
妃馬貞妃楊榮妃葬昌平其餘葬西山者包宜妃陳
靜妃何睦妃王麗妃王莊妃褚安妃張常妃步安妃
高正妃耿平妃吳定妃李順妃王懷妃張安妃于宜
妃宋宜妃諸靜妃張和妃杜莊妃王康妃趙懿妃陳
雍妃文恭妃張德妃王徽妃沈安妃嬪二十八人俱

葬西山王懷嬪黃御嬪趙琬嬪馬常嬪劉康嬪傅常
嬪張昭嬪武常嬪郭寧嬪田靜嬪高安嬪孟安嬪宋
麗嬪任和嬪王常嬪韋惠嬪陳常嬪王宜嬪王莊嬪
張淑嬪姜肅嬪王裕嬪二楊常嬪二劉常嬪二張常
嬪

芹城小志

周禮掌王之陰事陰令註陰事羣妃御見之事漢掖
庭令晝漏不盡八刻白錄所記推當御見者今宮中
亦有之名欽錄簿

升卷經說

欽錄簿女官掌之有報官之牋有衛門之寢有承御
之名有紀事之籍其事甚詳且密

言鯖

宮中用牙牌刻各宮名中官每日把牌至御座前上
掣一牌中官卽傳牌至官宮妃遂粧以候

霜篋集

梁均帝晉天福中始葬故妃張氏獨存商鵬爲誌文
曰七月有期不見望陵之妾九疑無色空餘泣竹之
妃

文昌雜錄

上皇悲悼妃子張后進櫻桃蔗漿並不食

太真外傳

長陵有東西井明太宗殉葬嬪妃處也夜深守陵者
見紅紗籠燈自二井來至陵門而入

居易錄

魏以來諸王之母爲太妃晉書后妃傳章太妃周氏
生哀帝拜貴人帝卽位爲皇太妃元帝所生母稱夏

侯太妃

事物紀原

唐莊宗生母曹氏與嫡母劉氏相得甚歡及帝卽位尊曹爲皇太后以劉爲皇太妃太妃往謝太后太后慚太妃曰願吾兒享國無窮使吾獲沒於地以從先君幸矣復何言哉

女世說

虞通之后妃記四卷王欽若彤管懿範七十卷編后妃事

國史經籍志

食史卷十

舊史卷十一

東吳王初柎于陽

墓述

北平劉翰周東屏校刊

統系門三

內職

內命婦謂三夫人以下也

讀書紀數畧

漢光武置貴人爲三夫人

事物紀原

陰皇后初爲貴人性賢仁遂授尊位

東觀漢記

宋貴人節操高妙竇皇后心害之誣奏貴人使婢爲

蠶道祝詛遂被譖暴卒

羣書集粹

竇后初爲貴人旋立爲皇后而御見甚稀帝所寵唯采女田聖等遂以聖等九女皆爲貴人

後漢書

孝崇皇后偃夫人曾爲博園貴人

五車罪王

孝建三年進貴人位比三司

宋書

文成馮后生有神光之異高祖選爲貴人

後魏書

漢馮貴人死將百歲盜發塚顏色如生但肉微冷羣賊幸之致相妬忌然後事覺

法苑珠林

衡陽王鈞母區貴人花釵厨子賜鈞以爲玩弄

齊書

宋真宗設嬪御十九等有貴人

物原

祥符二年特置貴人

宋會要

劉蘭備選貴人不中遂不肯適人

崇禎長編

泰始三年省貴人置貴姬以備三夫人之數

宋書

孝武李夫人本以倡進延年女弟也

漢書

鈞弋夫人得幸武帝生昭帝年五歲帝欲立之乃譴

責夫人夫人死雲陽宮時暴風揚塵百姓感傷

史記

異志口夫人姓趙氏

拳夫人從上至甘泉因幸告上曰妾運正應爲陛下

生一男男七歲妾當死言終而臥遂卒

漢武故事

鈞翼夫人居鈞翼宮後避諱改爲弋

列仙傳

夫人魏武帝所制

宋書

太和中命夫人登其位於淑妃之上

魏書

胡芳以選入宮後拜夫人

王隱晉書

太宗以后禮納姚興女後爲夫人以歸金人不成未
昇尊位然帝寵幸出入居處禮如后焉

後魏書

鄭后名阿春先嫁田氏夫亡依舅吳氏時中宗將納
吳氏女爲夫人后及吳女並遊後園有見之者曰鄭
氏賢於吳女遠矣遂納爲夫人

晉中興書

十六院置四品夫人十六人各主一院

大業雜記

漢魏置貴嬪夫人貴人此仿周官之三夫人

前志居
詩話

內命婦品有郡夫人國夫人十字國夫人

遼朝事類

印璽綬夫人貴人銅鏡

續漢書

花蕊夫人姓費氏蜀之青城人，以才色入蜀宮。後主嬖之，號花蕊夫人。

後山詩話

徐匡璋納女於孟昶，拜爲貴妃，別號花蕊夫人。又升號慧妃，陳無己以爲姓費誤。

龍改齋漫錄

花蕊夫人，蜀王建妾小徐妃也。莊宗平蜀後，遭害及孟昶，昶則又有一花蕊夫人作宮詞者是也。國朝降下西蜀，花蕊夫人隨昶歸中國。花蕊夫人入宮而昶遂死，昌陵亦惑之。太宗在晉邸時，數諫而未克去。一日從獵苑中，花蕊夫人在側，晉邸方調弓矢，引滿擬

射獸忽回射花蕊夫人一箭而斃 徽園山叢談

前蜀花蕊夫人姓徐後蜀花蕊夫人亦姓徐或曰姓

費菽園雜記又云墓在閩之崇安者乃南唐宮人選

入宋宮太祖號為小花蕊 七修類稿

金主珣疾革資明夫人鄭氏密傳遺詔 經濟類編

貞祐以後之制資明夫人為正五品 續文獻通考

和帝數失皇子鄧后憂繼嗣不廣選進才人 後漢書

謝夫人名玖清惠有淑姿選入宮為才人 晉中興書

石虎杜皇后名珠初為才人寵幸亞於鄭后 後趙錄

唐制內命婦才人以上給鹵簿 石林燕語

則天太宗朝爲才人帝賜號娥媚

海錄碎事

寧王獵於鄆縣見草中一樞發視乃一少女言姓莫氏昨遇賊劫至此動止含頓治態橫生王驚悅卽日表上之上令充才人能爲秦聲當時號莫才人轉焉

百陽雜俎

南漢劉鋹才人名盧瓊仙

五國故事

宋眞宗置才人踵漢宣帝制設之

物原

武才人色最後庭裕陵作詞號瑤臺第一層

後山詩話

李王二才人俱明麗高宗愛之及上賓憲聖每見感

愴孝宗特許自便

朝野雜記

淳熙十四年德壽宮傳旨才人李氏王氏並放令送
便其詣命四軸并才人李氏從人紅霞帔宣十一道
紫霞帔宣聽宣各二十道並降付內東門司才人李
氏王氏告紅絲網鍍金銀鐸鈴紅羅銷金袋全齊安
郡夫人順政郡夫人告紫絲網銀鐸鈴錦袋全紅霞
帔宣九道李惜奴陳來兒等紫霞帔宣二十道藍合
兒藍福福陸小美趙九娘譚強兒譚小郁等聽宣二
十道陸閏兒元冲淨等

南宋相眼

晉武帝採漢魏之制置才人中才人高祖省二才人

世祖又置中才人

宋書

懷帝王太后諱媛姬初入武帝拜中才人

藏榮緒晉書

高祖置女職中才人視五品

後魏書

前漢內命婦有美人

通典

武帝時美人視二千石

漢書

光武置美人正四品

事物紀原

美人無爵秩歲時賞賜充給而已

東觀漢紀

虞美人者以良家子選入掖庭生舞陽長公主梁冀

秉政虞氏抑而不登但稱大家

後漢書

王美人豐姿色聰敏有才能爲何后所妬靈帝思美人作追德賦

後漢書

太和中白夫人以下爵凡十二等有美人魏志

孫皓以張布女為美人江表傳

高祖改定內官美人視三品後魏書

晉武帝置美人爵視千石宋書

建元元年有司奏置美人為散職齊子顯齊書

宋真宗置美人踵漢高祖制設之魏書

度宗以胡顯祖女為美人真似道欲去顯祖追殺美

人胡氏命婦皆送妙淨寺削髮為尼宋書

漢女官十四等有良人漢書

宋秦始元年置良人宋書

魏孝靜帝禪位於齊將出宮與夫人嬪以下訣莫不
歔歔掩涕嬪趙國李氏前陳思王詩云王其愛玉體
俱享黃髮期

女世說

武宗嘗怒一宮嬪既而復召柳公權成一絕曰不分
前時忤主恩已甘寂寞守長門今朝却得君王顧重
入椒房拭淚痕

唐詩紀事

嬪妾進御晨詣闕門謝恩主者書其日月度宗初立
詎於酒色一日謝恩者三十餘人

通鑑輯覽

王方慶宮嬪傳五卷

國史補

魏文帝增置貴嬪位次皇后

通鑑

胡貴嬪名芳秦始九年拜爲貴嬪最蒙愛幸侍御服飾亞於皇后

晉書

左貴嬪名芬少好學善綴文武帝聞而納之拜修儀後爲貴嬪姿陋無寵以才德見

宋書音中興書

孝建三年進貴嬪位比丞相

宋書

順帝宮嬪假夫人貴妃印者不下百數如淑妃龍璫嬌程一寧戈小蛾麗嬪張阿元支禪氏才人英英凝香兒尤見寵愛宮中稱爲七貴

元掖庭記

高祖改定內官三嬪視三卿六嬪視六卿

後魏書

閻隄知原竄得賢妃正八嬪

隋書

永平三年馬皇后立長秋宮以率八妾

湯妃有妻統領九嬪後宮有序 列女傳

王莽備九嬪視九卿 漢書

舊制三夫人假金紫九嬪假銀青 晉書

漢魏置淑妃淑媛淑儀修華修容修儀媿好容華充

華此仿周官之九嬪 靜志居詩話

唐制昭容昭儀昭媛修容修儀修媛充容充儀充媛

是爲九嬪 唐書后妃傳序

石虎起靈臺九殿女官十有八等 郭中記

內官陳景先送女官吳淑清還揚州 中官考

金史載尙宮左夫人鄭氏罵胡沙虎事贊云於金掌

奏目女官大名居士王氏所紀得資明夫人授璽事

附著於篇則金時宮掖蓋有記載女官矣

池北偶談

漢元帝置昭儀魏視大司馬唐爲九嬪也

事物紀原

昭儀位次丞相爵比諸侯王

漢書外戚傳

傳昭儀少爲才人元帝進幸有寵生定陶恭王

漢書

哀帝召董賢女弟爲昭儀位次皇后名其舍曰椒風

以配椒房

名句文身表異錄

晉太始二年置昭儀等以備九嬪

沈約宋書

石勒定昭儀夫人位視三公貴嬪貴人視列侯二英

九華視伯淑媛儀視子容華美人視男

吾書載記

王衍昭儀李舜絃能詩有鴛鴦瓦上忽然聲句誤入

花蕊宮詞中

茅亭客話

程史蜀亡李昭儀不辱自

宋真宗置昭儀踵漢元帝制設之

物原

昭儀王秋兒順安俞修容新興胡美人永陽朱梅兒
資陽朱春兒高安朱夏兒南平朱端兒東陽周冬兒
順政石潤兒高平周賽兒通化閻潤兒潯陽陳宜兒
胡安化沈咸寧黃新平皆上所幸也

隋隱漫錄

宋謝全兩后及宮娥北遷有王昭儀題滿江紅詞於
夷山驛昭儀名清惠字中華後爲女道士

東園友聞

楊繼金

姬別傳作黃惠清當是傳問之誤似楚軒客談又以
滿江紅爲昭儀下張瓊英所賦

魏置左右昭儀

事物紀原

嘉平二年立司空王育女爲左昭儀尙書令任頴女

爲右昭儀

前趙錄

馮昭儀先以疾病還家爲尼重爲左昭儀

後魏書

后妃侍從各有定制后二百八十人妃二百人嬪八

十人並謂之控鸞昭儀

元氏掖庭記

漢武置昭容南唐以爲九嬪

事物紀原

宋眞宗置昭容踵漢武帝制設之

物原

順治初欽人胡半菴患瘍宛成人面眉目口鼻皆具

百醫不效一日瘡忽人言曰我梁時盧昭容也子害我於洛陽宮今日報汝醫何能爲詣佛懺悔可耳胡發願書經五百萬字瘡竟愈後有降乩者書盧昭容自畫生時像首飾鳳髻衣官衣

池北偶談

唐百官志注曰唐因隋制有昭媛而隋志北史俱不載疑唐置也

事物紀原

宋眞宗置昭媛踵唐太宗制設之

物原

昭華魏明帝所制晉泰始二年以備九嬪

宋書

魏女官十二等有昭華

讀書紀數畧

齊荀昭華盛寵後宮才人位登采女者依例賜玉鳳

鳳荀時爲采女得玉鳳凰投地曰我不能例受此武

帝乃拜爲昭華

南史

漢武置婕妤視上卿比列侯

通典

外戚傳倢伃注師古曰倢言接幸於上也伃美稱也

漢雋 石林燕語倢妤字本皆從人後以爲嬾職因易人爲女

成帝遊後庭欲與班婕妤同輦辭曰觀古畫圖聖賢之君皆有名臣在側三代昏主乃有嬖妾今欲同輦得毋近似乎

漢書

成帝隆於內寵班婕妤進侍者李平得幸立爲婕妤

賜平姓曰衛所謂衛婕妤也

漢書

趙飛燕誣班婕妤咒詛考問之婕妤對曰修正尙不蒙福爲邪欲以何望使鬼神有知不受不臣之愬如其無知愬之何益故不爲也

女世說

元帝幸虎圈熊佚出圈攀檻欲上殿馮婕妤直前當熊而立左右格殺熊上問何故當熊婕妤對曰妾聞猛獸得人而止妾恐熊至御座故以身當之

漢書

王奉光有女每當適人所當適者輒死故久不行及

宣帝卽位召入後宮爲婕妤

燕天志

婕妤銀印青綬佩朱璫玉

晉服制令

李彪女世宗納爲婕妤世宗崩婕妤爲比丘尼

後魏書

婕妤隋煬帝以爲世婦

南史

唐制婕妤美人才人各九合二十七爲世婦

唐后妃傳序

宋眞宗置婕妤踵漢武帝制設之

物原

貞祐以後之制婕妤下有麗人才人

續文獻通考

外戚傳武帝內職有嬪娥師古曰嬪娥皆美貌也

漢傳

魏明帝置修儀陪煬帝以爲九嬪

事物紀原

左維女爲修儀有文才

王隱晉書

宋眞宗置修儀踵魏明帝制設之

物原

魏文帝始制修容陪煬帝復置之

事物紀原

梁武帝采女生元帝爲修容賜姓阮氏時人因名其

所居之溪曰阮娘溪溪中石曰美人石

百吳里語

宋眞宗置修容踵魏文帝制設之

物原

唐百官志注唐因隋制有修媛按隋志無之而北史

后妃傳北齊文宣置修媛疑唐采齊制也

事物紀原

張堯佐姪女有寵於仁宗冊爲修媛

春而堂雜抄

仁宗張貴妃有盛寵初進修媛忽被疾曰妾姿薄不

勝寵名願爲美人許之皇祐初進貴妃

續文獻通考

宋眞宗置修媛踵高洋制設之

物原

宋初有修華孝建三年省泰始中又以淑媛淑儀淑

容昭華昭儀昭容修華修儀修容爲九嬪

宋書

廣政中後宮位號有修容修媛修媚等秩

幸蜀記

南史后妃傳敘晉武帝初置淑儀

事物紀原

殷淑儀寵冠後宮及薨宋武常思其容遂爲通替棺
欲見輒引替觀尸形色不異追贈貴妃

南史

唐內官有淑儀德儀賢儀順儀婉儀芳儀六人

唐類函

宋真宗置淑儀踵晉武帝制設之

物原

魏明帝泰始二年置淑容

事物紀原

宋真宗置淑容踵魏明帝制設之

物原

遼聖宗開泰二年以馬氏爲麗儀耿氏爲淑儀

遼史

貞祐以後之制順儀淑華淑儀爲正四品

續文獻通考

淑媛魏文帝所制

宋書

魏女官十二等有淑媛

讀書紀數畧

外戚傳武帝內職有俗華師古曰俗俗猶奕奕

漢書

咸寧三年拜美人朱羨爲容華左嬪爲修儀邢蘭爲

婕妤

晉起居注

宋置容華本前漢舊號

宋書

乾興元年置貴儀在淑儀之上

宋會要

景德二年增置大儀

宋會要

隋煬帝置充儀

北史

隋有充儀爲九嬪

事物紀原

自武德以來有充儀之職

唐會要

宋真宗置充儀踵隋煬帝制設之

物原

漢典有充容漢官也

事物紀原

宋真宗置充容踵漢武帝制設之

物原

唐志云唐因隋制有充媛隋書及北史皆無之疑亦

唐置也

事物紀原

宋真宗置充媛踵唐高祖制設之

物原

充華晉武帝所制

宋書

晉泰始二年拜李瑤爲修華王宣爲修容徐璜爲修

儀吳淑爲婕妤趙珽爲充華

蒲侍兒小名錄

外戚傳武帝內職有充依師古曰充依言充後庭而

依秩序也

漢雋

充衣前漢舊制宋孝建中以為散位

宋書

北史后妃傳隋煬帝置順儀

事物紀原

真宗設嬪御十九等有順儀

物原

隋九嬪有順容煬帝置

事物紀原

真宗大中祥符中又增置順容之官

宋朝會要

文帝增順成官明帝除之

魏志

北史后妃傳敘北齊文宣置婉儀為御女

事物紀原

宋真宗置婉儀踵北齊高洋制設之

物原

宋真宗置婉容爲宋新制

物原

徽宗在北四太子請王婉容妻黏罕子上遣之婉容大哭曰何忍一身事兩主就輿中自刎死太子嘆異擇地葬之且爲立碑曰貞婦冢

吹劍錄

泰始三年增置承徽列榮

宋書

漢內職有八子七子長使少使之號

漢書外戚傳

孝成班婕妤初入宮爲少使

漢雋

漢後宮位號有名無媚者言無所不涓潔也

表異錄

元帝內職有保林視百石

漢書

武帝詔出掖庭保林以下二百七十餘人還家

晉起居注

外戚傳元帝內職有娛靈

漢書

漢內職有五官順常之小職

漢書

外戚傳有共和良使夜者皆視百石

漢書

唐女官有寶林御女綵女

讀書記數畧

寶林御女綵女各二十七合八十一爲御妾

唐后妃傳序

保儀黃氏容態華麗顧盼粲笑無不妍姣其書學伎

能皆出於天性後主雖屬意會小周專房由是進御

稀而品秩不加第以掌墨寶而已

南唐書

宋有職官三品有參議女林

宋書

廣政六年大選良家子以充後宮於是位號列品有

保芳保香保衣安宸安蹕安情等秩

幸蜀記

光宗時宮中有二李選侍稱東西李康妃者西李也

莊妃者東李也

明史

莊妃李娘娘光廟選侍也性仁慈恭儉簡重寡言名位素居西李娘娘前奉副徐應元附逆賢倚勢驕蹇每見莊妃娘娘爲揚揚自得態或詈咎其左右娘娘謹默含憤遂氣鬱病薨

酌中志畧

明光宗選侍李氏至康熙甲寅歲始卒

池北偶談

高祖改定內官世婦視中大夫

後魏書

北史女官有正華令則修訓曜儀明淑芳華敬琬昭

華光正昭寧貞範宏徽和德宏猷茂光明信靜訓昭
德廣訓暉範敬訓芳猷婉華明範艷儀暉則敬信此
仿周官之二十七世婦

靜志居詩話

宣武靈皇后胡氏初召入掖庭爲承華世婦

後魏書

武帝置妃二人世婦三人御妻三人餘悉減省

後周書

光武並省前制正嫡外惟貴人美人綠女

後漢書

靈帝數遊戲於西園令采女爲容會采女爲商賈服
行至舍采女共飲采女

晉泰始十年拜采女胡芳爲貴嬪劉媛爲淑妃臧曜
爲淑媛趙芳爲淑儀趙粲爲修華陳瑋爲修容

晉起居注

王舒補侍兒小名錄作趙翊爲修容陳秀爲修儀

宋內職官有侍御扶侍主衣比六品

宋書

帝多幸苑中去來無時侍御多夾道而宿往往中夜
卽幸焉

南部煙花記

煬帝侍兒楊俊娥帝每就枕必令振聳支節常得美
睡因呼爲來夢兒

南部煙花記

御妻當曰御妾

月令問答

周禮女御卽婚義御妻也御猶侍也

太平御覽

高祖改定內官御女視元士

後漢書

北史女官有穆光茂德貞懿曜光貞凝光範令儀內

範穆閨婉德明婉艷婉妙範暉章敬茂靜肅瓊章穆
華慎儀妙儀明懿崇明麗則婉儀彭媛修閑修靜去
慎艷光漪容徽淑秀儀芳婉貞慎明艷真穆修範肅
容茂儀英淑宏艷正信凝婉英範懷慎修媛良則肅
章成潤儀寧訓淑懿柔則穆儀修禮昭慎貞媛肅
閨穆頌柔華昭順敬寧明訓宏儀崇敬修敬承閑昭
容一國華思柔媛光懷德良媛淑猗茂範良信艷
肅儀妙則此仿周官之八十一御女靜志居
詩話

宋太宗以祇候人爲侍御

文獻通考

宋太宗入宮爲侍御得幸生高宗

宏簡錄

舊制皇后親蠶女尙書著貂蟬佩璽倍乘

文獻通考

魏明帝選女子知書者六人以爲女尙書

魏畧

石虎美女萬餘簡其有才藝者爲女尙書

鄴中記

高祖置女尙書視三品

魏書

洛陽有總華觀女尙書居之

通用碎金

張說上官昭容集序古者有女尙書決事官闈

唐詩紀事

王建宮詞官局總來爲喜樂院中新拜內尙書

蜀成王讓榭官詞御座今安閣子內中欲置女尙

書

長春競辰集

宋內職官一品有準錄尙書

宋書

魏高祖置女侍中視三品

北史

後魏女侍中視二品然本後宮嬪御之職

柱樓記

神龜初常山公主瑯琊公主並爲女侍中

後魏書

靈太后妹爲元義妻封馮翊君拜女侍中

海錄碎事

李祖勳妻崔氏驕豪干政女侍中陸媪母元氏卽祖

勳妻姨爲此附會

北史

女侍中陸令萱卽齊陸太姬掌罔事者

丹鉛新錄

石虎置女侍中納言皆貂蟬直侍皇后

郭中記

金石錄載趙彥深母傅太妃碑額題齊故女侍中宜

陽國貞穆太妃傅氏碑按北史女侍中本嬪御之職

今以宰相母爲之惟見於此僕謂不但宰相母也如清河王岳母山氏封郡君授女侍中入侍皇后元義之妻亦拜女侍中則知當時女侍中之號蓋有近宗與夫臣下妻母爲之者正以示殊寵耳然以宰相之母尊爲太妃其禮可見

野客叢書

盧瓊仙者故中宗官人也乾和中與黃瓊芝並爲女侍中朝服冠帶參決政事後主嗣位進瓊仙秩爲才人復以朝政決於瓊仙凡後主詳覽可否皆瓊仙指之

劉氏興亡錄

女侍中魏元義妻胡氏一作女常侍

宛委餘編

陳後主張貴妃名麗華與龔孔二貴嬪王李二美人
張薛二淑媛袁昭儀何婕妤江修容等並有寵又以
官人袁大捨等爲女學士每引賓客游宴則使諸貴
人女學士與狎客共賦新詩采其尤艷麗者以爲曲
調被以新聲選官女數千歌之

前史李暹曰楊用
修誤以孔貴嬪爲女

學士

女學士尙宮宋氏名若昭父庭芬生五女年未及笄
皆能文長曰若華次曰若昭若倫若憲若荀俱召入
宮試以詩賦兼問經史大義深加賞嘆又嘉其節概
不羣不以妾侍命之呼爲學士先生貞元以後宮中

記註簿籍若莘掌其事若莘卒贈河內郡君復令若昭代司其職拜尚宮自憲穆敬三帝皆呼爲先生六宮嬪媛公主皆師之封梁國夫人

唐書

烏程女子沈瓊蓮字瑩中給事禁中授女學士吳興人至今呼爲女閣老

西吳校乘

盧文進有女美而慧善屬文時稱女學士

南唐近事

顧英字若憲長洲人張之頊室蕭然四壁葺房蘿室時聞誦詩讀書聲遠近稱女學士

容風異雜錄

吳郡韓蘭英婦人有文辭宋孝武世獻中興賦被賞入宮世祖以爲博士教六宮書學以其年老多識呼

韓公 吳中舊事

齊內博士韓蘭英總知內事善爲文章有顏氏女因夫嗜酒父母奪之入宮廢帝以春夜命蘭英爲顏氏賦詩曰絲竹猶在御愁人獨向隅棄置今已矣誰憐微薄軀帝乃還其夫 宮閤小名錄

女博士李輔聖後房孔君也於文藝無不妙絕 丹淵集

成帝時披香博士淖方成宮中號淖夫人 飛燕外傳

葛洪引漢禁中起居注知漢起居注在宮爲女太史之職自魏晉以來不復女職矣 野客叢書

石虎置女太史於靈臺仰視災祥 後趙錄

女史一星在紫微宮內此婦人之官

大象列星圖

女史彤管法如國史主記后夫人之過

毛詩義疏

女史女奴曉書者也

周禮總義

宋內職官四品有後宮校事女史紫極中監女史光
興中監女史中臺侍御奏案女史贊樂女史中訓女
史五品有校學女史女祝史七品有宮閤史

宋書

高祖置女職女史賢人視三品

後魏書

元相得罪夫人王氏韞秀少有識量節概頗聞掖庭
代宗欲令入宮備彤管箴規之任王嘆曰王家十三
娘太原節度使女十六年宰相妻誰能書長信昭陽

之事死亦幸矣堅不從命

何氏語林

尚書郎給女侍史二人皆選端正妖麗執香爐燒薰
從入臺護衣服

蔡質漢官典職

唐志尚儀局彤史二人

玉海

宋內職官六品有內史

宋書

宋宮中有內夫人六人輪流侍帝左右以紙一番從
後端起筆書帝起居旋書旋卷至暮付史館內夫人
別居一宮宮門金字大牌曰官家無故至此罰金一

銓

輟耕錄

史皇孫王夫人宣帝母也名翁須皇孫妻妾無號位

皆稱家人子史皇孫敗家人子皆坐誅

漢書

王政君卽元后也初入掖庭爲家人子

漢書

漢女官有上家人子中家人子

讀書紀數畧

漢女官皆有爵位其良家子入宮未有稱號者俱稱

良家子

讀書紀數畧

紅霞帔者宋宮人品名如張頑兒馮十一娘張正奴

劉翠奴之類

留青日札

劉妃臨安人入宮爲紅霞帔後拜貴妃時有小劉氏者入宮轉宜春郡夫人進婕妤皆有寵宮中號妃爲大劉娘子婕妤爲小劉娘子

朝野雜記

宋宮人有紫霞帔王受之

留青日札

吳慶慶降充紫霞帔

玉堂雜記

內庭婦職遷敘皆出中旨至中書命詞如尙書內省
官固知其長年習事如司字典字掌字知其爲主守
之微者至於紅紫霞帔郡國夫人則其年齡之長少
爵列之崇卑無由可以測度

容齋三筆

內命婦封贈紅霞帔紫霞帔不入品

趙朝事類

唐設六局二十四司凡一百九十人

今言

唐末宮官名號有司賓司贊司膳司醴司飾司衣等
名皆封國夫人或郡夫人小者縣君宋太祖置司簿

司賓並封縣君太宗置尙宮尙食或封國夫人郡夫人真宗又置司宮令在尙宮之上

文獻通考

六尙局尙藥尙食尙輦尙醞尙舍尙衣

東京夢華錄

遼聖宗開泰二年以尙寢白氏爲昭儀尙服李氏爲順儀尙功艾氏爲芳儀尙儀孫氏爲和儀

遼史拾遺

金尙食局有玉盃楪三一奉義宗母王太后二奉義宗及皇后時荆王守純母龐妃在宮於太后魚貫也獨以瑪瑙器進食太后見之怒召主者切責曰誰令汝妄生分別荆王母豈卑我兒婦自是宮中待妃有

加女世說補

貞祐以後之制尚宮夫人寶華夫人尚儀夫人尚服夫人尚寢夫人欽聖夫人皆爲正五品續文獻通考

六尚局皆在乾清宮之東黨史

六尚之職取寡婦及幼女之知書者爲之弁山堂別集

洪武五年立六局二十四司尚宮總司記司言司簿司閤尚儀總司籍司樂司賓司贊尚服總司寶司衣司飾司仗尚食總司饌司醞司藥司供尚寢總司設司輿司苑司燈尚功總司製司珍司綵司計今言司綵掌儲藏段疋者也有王氏者選入宮命與權妃同輦辭曰妾嫠婦也安敢充下陳哉明語林

王建宮詞六宮官職總新除宮女安排入畫圖二十
四司分六局御前頓見錯相呼

王司馬集

紹興中有宮正乃宮中管事人

容齋隨筆

貞祐以後之制宮正夫人爲正五品

續文獻通考

明初定設六局掌以宮正總六尚之事

靜志居詩話

典琮三人掌琮璽玩器

北史后妃傳

明制各寶皆內尚寶監女官掌之

西垣筆記

末帝寶符李氏國亡從太后皇后北遷至宣德州居
摩訶院李氏入院於佛像前白縑死自書門紙曰寶
符侍御此處身故

歸澤志

宋太宗置司寶司儀司給或授郡君縣君

文獻通考

宋內職官三品有司儀

宋書

韓蘭英始入宮爲司儀

女世說

宮人

魏文帝宮人絕所愛者有莫瓊樹薛夜來田尚衣段

巧笑皆日夜在側

崔豹古今注

魏武帝崩文帝悉取武帝宮人自侍下太后曰狗鼠

不食汝餘

復齋雜說

晉武帝掖庭萬人並寵者最衆帝莫知所適常乘羊車恣其所之至便寢宮人乃取竹葉挿戶以鹽汁

灑地而引帝車

晉書

梁宮人包明月作前溪歌

焦氏筆乘

唐制天子臨朝則用宮人引至殿上

香祖筆記

唐使兩省宮人對立謂之蛾眉班

研北雜志

唐制宮人給使令者皆冠巾號裏頭內人

唐六典

漢書趙皇后傳官婢道房與中宮史曹宮對食應劭

注曰宮人自相與爲夫婦名對食

天香樓偶得

宮中舊例內監與宮女各配夫婦謂之對食宮女藉

內監買辦內監藉宮女縫補

看花行者談往

薛逢宮詞袍袴宮人掃御牀注近御之人

唐詩鼓吹

唐每歲上巳許宮女於興慶宮前與骨月相見

咸定錄

中官導從宮人凡二十人擲水瓶金鹿盧一人由右
執銷金淨巾一人由左捧金香氈二人捧金香合二
人分左右捧金唾壺一人由左捧金唾盂一人由右
執金拂四人執雉扇十人各分左右行冠鳳翅縷金
帽銷金緋羅襖銷金緋羅結子銷金緋羅繫腰紫羅
衫五色嵌金黃雲扇瓊玉束帶

元朝祕史續集

嘉靖庚戌宮人張氏卒身畔羅巾有詩問倚雕欄強
笑歌嬌恣無力怯宮羅欲將舊恨題紅葉只恐新愁
上翠蛾雨過玉階天色淨風吹金鎖夜聲多從來不

識君王面棄置無情奈若何

豫章詩話或云王莊妃事

禾中董姓妻乃明季宮人言崇禎中宮人食不隔粲衣不見水金珠盈囊衣服不記其數

看花行者談往

國主出有宮人三五百花布花髻手執巨燭自成一隊又有宮女皆執內中金銀器皿及文飾之具又有宮女執槍標牌爲內兵又成一隊

真臘風土記

元宮人至京師將籍之以給令後宮有一人不屈上言爾卽守節何不死於元亡時女曰願明一言上令以紙筆與之女寫詩擲筆投地而死

逐鹿記

甲申京師陷有宮人魏氏前後奔喊曰賊入大內必

淨宮汝等有志氣當早覓道路喊畢躍入內河而死
頃刻宮人投水者四五十許未幾賊果淨宮每一賊
魁給宮人三十人

啓禎野乘

建出游寶歷寺后妃皆從有宮女四人逃匿搜尋得
之乃寺僧誘藏與僧同斬於龜化橋

蜀橋札

宮人有罪罰提鈴每夜自乾清門至日精門月華門
高唱天下太平聲緩而長與鈴聲相應

天啓宮詞注

永巷宮中之長巷幽閉宮女之有罪者武帝時改爲
掖庭置獄焉

三輔黃圖

漢武取好女數千人以填後宮及棄天下霍光悉以

後宮女置園陵錮閉羣陰不祥莫大

說儲

上陽白髮人者楊貴妃專寵後宮人稀復進幸六宮
有美色者輒置別所上陽其一也貞元中尙存

樂苑

李嘉謨至元都月夜獨歌曰萬里倦行役秋來瘦幾
分因看河北月忽憶海東雲夜靜聞隣婦有倚樓泣
者明日訪其家則宋舊宮人金德淑也因過叩之德
淑曰客非昨夜悲歌人乎此亡宋昭儀黃惠清寄汪
水雲詩因言當日吾輩皆有詩贈水雲乃自舉所作
望江南詞歌畢泣下

金姬別傳

北人張侍御家集出侍兒佐酒中有一人意狀摧抑

可憐乃為和殿小宮姬也

容齋題跋

歸詩志曰宋室家姬流落於金

齊詔嘗逼取被選退宮人史宣女為妻

弁山堂別集

陳氏亡有宮人小春嫁民間能說宮中事

雲蕉館紀談

有老妓自稱汴京舊宮人者薛居實泣而贈之云殘

春楊柳蕭條綠破國桃花冷落紅

司東書舊集

曹魏時有人伐周冢得殉葬女子郭太后養之十餘年太后崩此女哀思而死宋都臨安時宮中有一晉宮人亦從冢中出者能道晉宮事

本事詩

太和中有所發得漢冢者宮人猶活郭太后養之常置左右問漢時宮中事說之皆有次第

物異考

上起明光宮殿取燕趙美女充之掖庭令總其籍

漢武

帝故事

唐元宗以宮人籍示一行

酉陽雜俎

唐人名宮人所聚曰野狐落

國史雜記

野狐落唐人宮名宮人所聚也

西聖記

咸陽舊牆內曰內人斜葬宮人處

秦京雜記

唐內人墓謂之宮人斜

青明退朝錄

宋宮人斜在月峯右舊爲雨場有樵豎入其穴竊蟾
蜍釵鏡以歸宮人憑巫自述爲宋嬪隨官家航海沒
此樵懼反寶器而掩之

芸心識餘

遼王晚抱異疾不能親女色後宮中往往有抑鬱致
死者今沙橋門外官人斜卽羣姬埋香處每陰寒晦
黑過者聞紅愁綠慘之聲近有少年子乘醉蹋月迷
入空宮經素香亭下覩一美人霓裳練裙倚欄而歌
曰明月滿空階梧桐落如雨涼颺襲人衣不知秋幾
許歌竟杳然不見

哀黍離

慈慧寺後不二里有靜樂堂其牆陰皆斜官人死則
擗出火葬其處卽官人斜也

長安客話

古葬官人之所謂之官人斜京城阜成門外有靜樂
堂磚甃二井屋以塔官人非有名稱者例不賜墓承

以殮具火葬塔井中嘉靖末有貴嬪捐貲易民地數畝其不願井者悉內地中

菊隱紀聞

京城西便門外二十里諸葛莊土人名姥姥墳乃明朝葬宮人處所謂宮人斜也冢固鼎勳碑亦林立文皆表皇太后或皇后懿旨諭祭翼聖夫人或贊聖夫人奉聖夫人之類文更典雅守墳老嫗尙能言其所以每於風雨之夜或現形或作聲幽魂不散

在園雜志

玉勾斜隋煬帝葬宮人處

西軒詩集

祥符中營王宮火劫得掌茶酒宮人韓小姐與親事官私通多病寶器以遣之後事泄王乳母決責之小

姐乃謀放火因而奔出有琵琶伎人王木賽者知之受小姐而不言遂乘夜蒸之

玉堂逢辰錄

張鳳翔宮詞入內深蒙主后恩賜名小姐寵便蕃

宋仁宗時宮人掌梳頭者爲內夫人

曲浦舊聞

仁宗好用道引術理髮有官人能之號曰梳頭夫人後出宮人梳頭夫人以入官久亦出

師氏聞見前錄

崇禎中宮人與帝栉髮者號管家婆

看花行者談往

余天錫母朱氏嘗爲理宗沐浴教字封周楚國夫人

續文獻通考

徽宗鄭皇后王貴妃本欽聖殿二押班徽宗爲端王

每日朝慈德宮欽聖命鄭王二押班供侍及卽位以
二人賜之鄭爲貴妃旋立爲皇后王亦進位貴妃宋史
北齊高洋用宮婢爲宣徽使物原

煬帝嘗醉遊諸宮偶戲宮婢羅羅畏蕭妃不敢迎帝
醉有程姬之疾不可薦寢帝乃嘲之曰個人無賴是
橫波黛染隆顛簇小娥幸好留儂伴成夢不留儂住
意如何大業拾遺記

劉娘與宮婢波斯女等淫戾後宮九國志

嘉靖壬寅宮婢楊金英欲斃上於熟寢以繩束喉不
絕有張金蓮者知事不就走告皇后往救獲甦乃命

太監捕訊得同謀者楊玉香邢翠蓮姚淑翠楊翠英
關梅秀劉妙蓮陳菊花王秀蘭徐秋花鄧金香張春
景黃玉蓮等十數人悉磔之於市

世廟識餘錄

宮中用小黃門昇輿貴妃田氏易之以宮婢

雷後集

厲王發龍後宮童女遭之而孕

史記

太后幸景靈宮駕前露面雙童女

通鑑綱目

內命婦品第三等有著緋著綠女童

通鑑綱目

官中之處女曰處妾

五行志注

宋內職官有宮閤給使

宋書

米元章母入內爲祇應老娘元章以故命官

軒渠錄

仁宗從苑中還宮顧嬪御曰渴甚可進熟水嬪御進水且曰大家何不外面取水而致久渴耶仁宗曰吾屢顧不見僚隣女子問之卽有抵罪者

東軒筆錄

刺梅園老尼係明季宮婢當時所稱菜戶也崇禎甲申後出爲尼

良齋雜說

後庭掌茶宮女朱氏生子昭儀曰從何而得也乃投地大慟帝自持昭儀起坐昭儀呼官吏曰急爲吾取子來吏取子上昭儀曰爲吾殺之吏以子擊毀礎死投之井後宮官人孕子者皆殺之

趙后遺事

凡官人有病及年老或有罪先發內安樂堂年久再

發外之浣衣局

金鰲退食錄記

劉瑾姦黨伏誅婦女送浣衣局

中官考

正德中楊玉附逆瑾伏誅家口沒入爲奴有愛妾攜
少女匿民間得免此女甚美妾鑒前禍誓不婚京師
權貴家李都憲蔭子納之後寧庶人干犯李坐黨被
法此女入浣衣局

綠雪亭雜言

女子有罪入暴室王掖庭織染署取暴曬名

管窺小
識

國主嬪婢三五千又人家有女美貌者必召入內供
役呼爲陳家蘭亦不下一二千

真臘風土記

月山大君婷朝鮮女子也

采風集

朱錫鬯曰月山
大君當是東國尊稱殆非

民間女子

三十一

三

奮史卷十一